

生快樂恒須恭敬抄寫流傳利益眾生是為無量真人聞說信受奉行

太上洞玄靈寶三元無量壽經

上清五帝變通萬化營靈經

八

太上大道君曰空常者天地之魂魄除陽之威明空者九天之魂精常者九地之魂靈其二炁則結成帝尊之大神以威輔弼之煥明空常則以輔弼為瞻視役運天光察觀萬方總錄天宿迴化五常召運攝會促機轉輪天休地奉則空常隱藏天否地激則空常煥明吉凶報應立告不祥變化萬氣改易陰陽四時代謝莫不由焉故二星尊貴隱伏華晨皆空常之妙趣難可屢瞻也得見二星延壽無窮存修其道飛昇華堂上真秘言此之謂也上相青童君敢請問空常之道靈音妙音豈可聞乎太上大道君曰空常者天地之至名而謂之無名混而為一是為有名但九天祕其靈音不行於經文既運輔弼為視聽倚光景以通真帝尊崇之以致治學者御之以致仙使有心者求之於無測因復名之為有名有名而不傳於秦秦之徒莫能測焉好尚者而不獲其真也如此豈復為勸學之宗者哉然九天有命唯宿有玄圖玉宇方諸列簡未

生合真之人得參隱名君當總掌羣方試校萬仙理定幽微拯救兆民不得冒禁相告子當祕焉於是君便登雲景之上丹靈朱房清齋三月翠帟告靈金羊銀鴈禮天受真道君告曰九天有禁依格萬劫一傳令運度交周氣反上清道應行於今一依玄科七百年中有人人聽三傳自無其挺封還九天或付名山九洞之室輕泄洩慢責及七祖捷汲溟波以灌四瀆擔肩諸山以填河海此禍福報應無一差失也子明審此言慎而行焉

凡欲步空常飛綱以逃形變景飛行玉清當以一月七過行之八節六丁日亦行其道至其日入室燒香左右敷置圖席南向叩齒二十四通閉目思五星煥明五方良久來下入己身五歲之中金星入肺宮土星入脾宮火星入心宮木星入肝宮水星入腎宮五星光明洞照五臟覺體熏熱便思五星皇夫人及二十五點空常晨君姓諱衣服各在其方都畢而微祝曰  
金木水火土總統四元玄精流映光照五門

中有五皇夫人靈君二十五點空常天尊變  
化形影千合萬分降入五藏結成玉仙鍊我  
七魄育我三魂舉形上昇飛入斗門遊戲上  
鄰五星齊羣今日玄慶請如所陳

引星光炁二十五咽止便起登綱也并足

上太白星上閉氣七息向西而微祝曰

西方七門 白氣飛光 上有皓帝 少陰明皇

諱金上精 衣服羽裳 艷精流映 煥明金帝

號曰五點 空常之宗 帶符建節 召陰攝陽

變化水火 七十四方 使我飛步 隱景入空

駕乘白輿 遊翔雲房 天地長年 永享無窮

畢仰咽七氣止次行十二步并足上鎮星

上閉氣十二息向西南仰天而微祝曰

中皇四氣 總監八靈 玉臺紫房 神點化生

內有元皇 五帝隱名 號曰步常 安鎮黃庭

衣帶飛雲 首建華精 執藉持符 煥落火鈴

使我飛步 告我神名 下降脾胃 鎮神安精

上天入雲 藏影逃形 變化萬物 遊遊玉清

得與皇君 俱保太明年

引星光炁十二咽止次行三步并足上癸

感星之上閉氣三息南向而微祝曰

三門洞暉 丹光流精 玄氣鬱勃 煥照南冥

上有赤皇 五帝明靈 諱遊光曜 永錦文精

首建寶冠 腰佩玉鈴 出入朱宮 紫房綠城

保錄我命 南宮記生 使我飛步 變氣成形

日吉行道 普天肅清 心神結真 五魂洞明

齊光三氣 合景火星

引星光炁三咽止次行九步并足上歲星

上閉氣九息東向而微祝曰

東方九氣 青天玉門 中有青晨 玄上之君

流音鬱勃 是為天魂 諱太明煥 天地高專

身衣鳳衣 斑文虎韁 化生五點 變氣九端

頭建青精 橫天玉冠 金符羽節 流鈴紛紛

手執隱書 飛行羽文 總我命錄 保我肝門

外映內曜 肝府結仙 迎我高登 上朝帝晨

引星光炁九咽止次行五步并足上辰星上

閉氣五息北向而微祝曰

五氣北玄 玄門洞靈 北辰流映 魁上玉清

中有太皇 五帝尊名 諱陰元然 衣服玄清

首建玉冠 腰帶流鈴 金章玉節 翠珮煥明

徘徊華晨 傍觀八冥 迴津下降 入我腎庭

保錄五神 藏府鮮榮 內外充溢 變氣化形

骨飛肉昇 上達玉清

仰引星光炁五咽止步五星畢從水星下從金星上七步又登空常紀也第一并足上第一九

常上祝曰

地九常君 變景幽冥 為我隱步 以逃我形

次上第二育常上祝曰

育常靈君 形無常服 為我變化 身為草木

次上第三卯常上祝曰

卯常尊神 能沈能昇 為我化景 變成丘陵

次上第四流常上祝曰

流常皇君 形無恒身 為我吐噓 與氣起煙

次上第五行常上祝曰

行常大君 威伏萬鬼 變化我形 起煙成大

步五常畢還金星上閉氣五息而祝曰

飛空太幽 化景五常 北入五氣 南創三陽

金符命室 大帝扶將 六戊逃已 保度洞鄉

太白護肺 金鑠胃腸 內充外溢 形魂俱翔

千變萬化 適意所迎 得與玉皇 同遊上京

引氣七咽止次從金星十二步登木星并足

上第一上常上祝曰

上常翔翔 變化億千 為我藏景 昇入九天

次上第二天常上祝曰

天常流爽 起煙成雲 為我逃形 帶神入火

次上第三名常上祝曰

名常北玄 以水為身 隱我河海 灌我感真

次上第四三常上祝曰

三常變成 光制八度 為我致仙 却災獲兵

次上第五展常上祝曰

展常萬化 體無常形 為我致仙 逃死入生

步五常畢還土星上閉氣十二息中齒十二道

而祝曰

元常五黃 中皇大神 變化七金 威伏三辰

逃身分形 上天入雲 總呼五靈 衛我解門

使我藏府 早化成仙 飛去入空 水火萬原

在意所欲 上昇無間 得與皇妃 結友齊壽

引氣十二咽止次從土星三步登火星并足

上第一空常上祝曰

空常至靈 輔弼上真 入我蜂宮 總攝萬仙

次上第二河常上祝曰

河常逃伏 隱遁八冥 水火變化 使我仙成

次上第三元常上祝曰

元常變化 草木藏身 使我形影 同合道真

次上第四古常上祝曰

古常天雙 出入無間 身生羽翮 飛昇上天

次上第五已常上祝曰

已常幽離 建九自覆 變化成形 立成鳴獸

步五常畢還火星上閉氣三息中齒三通而祝

曰

演爻丹靈 三門電鹿 五常變通 萬化鬱冥

攝命去皇 威制北精 上元保錄 固我長生

今日步空 乘虛入星 榮感輔心 我道洞明

十分萬合 所向立成 魂導魄鍊 羽服時生

得與五星 攜與玉清

引氣三咽止次從火星九步取木星併足登九

常上祝曰

九常青皇 天地魂機 使我變化 逃景隱山

次上世常上祝曰

世常天靈 總度萬仙 使我步空 合景成神

次上明常上祝曰

明常昭昭 光曜八昏 使我變形 逃水成地

次上五常上祝曰

五常威化 制御五土 使我化形 立住成虎

次上法常上祝曰

法常影木 位總神仙 使我分景 化身為千

步五常畢還木星上閉氣九息中齒九道而祝

曰

少陽九門 徘徊青天 中有五常 變化億千

呼陰召陽 制御金神 東華命節 坐應自然

步空躡虛 榮駕青烟 上升碧靈 下鎮肝門

道明九合 立致飛仙 得與青皇 同真木叢

引氣九咽止次從木星五步取水星併足登

陰常上祝曰

陰常北玄 萬化之宗 使我住此 立成神龍

次上黃常上祝曰

黃常靈陰 化為玉女 使我分形 立為百已

次上定常上祝曰

定常總元 變化鬱勃 使我分形 以成萬物

次上飛常上祝曰

【123】

地常入空 上下百觀 化形六畜 使人不見

次上六常上祝曰

六常綱紐 制鬼御神 迴轉天地 當之故人

步五帝畢還水星上閉氣五息叩齒五通

祝曰

北玄五氣 五門開張 中星黑皇 號曰五常

變化幽冥 出陰入陽 召命三晨 制御土官

使我飛步 逃景太空 在所適向 分形百方

上造鈞陳 昇身玉京 體生奇毛 賢府網芳

今日行道 神仙之宗 得天上願 享祚無窮

耳引氣五咽止如此步二十五點常都竟

便下從門叩齒三十六通向綱而歌三洞

飛步章九步登陽明星也併足上陽明星

上東向祝曰

太上宮中 變隱遁元 內妃大神 太一上尊

總領命籍 為我致言 藏形逃己 上昇帝軒

次上陰精星上東北向祝曰

中元宮中 保胎化形 內嬪太真 高上玄靈

新胞解結 鍊胎固精 變化萬方 使我長生

次上獨星上向真人星祝曰

真元宮中 六通七隱 上元玄母 育我胎產

通化金室 變成蒼筆 使我飛空 長年無限

次上玄冥星上向北祝曰

紐幽宮中 隱景藏光 中元內妃 神仙大宗

度我六戊 出我八方 逃跡飛步 上趨帝房

次上丹元星上西向祝曰

網神宮中 變體易景 斗中大女 玄化無像

度我元斗 書名帝榜 飛空榮虛 騰身浮影

次上北極星上東北向祝曰

紀明宮中 隱跡散衆 斗中中女 靈化上官

落我玄籍 度名諸方 分身成千 反容嬰童

次上天關星上向西北祝曰

關會宮中 分景萬形 斗中少女 玄上大靈

隨斗運機 總輪萬生 使我飛空 變化太冥

次上輔星上向天門叩齒九通祝曰

帝席上官 右皇夫人 上對帝君 齊景合真

號曰妙常 變化九天 運導日月 聚氣成烟

迴轉水火 萬法潛身 是時元吉 玄慶敷陳

使我飛步 乘常八真 九晨流落 享福萬千

形齊天光 德同三便

仰咽氣二十四過止次上獨星上向地戶叩齒

九通祝曰

上尊上官 夫人右皇 帝尊同符 合靈華房

天魂地魄 號曰上空 變化九氣 萬真祖宗

迴金轉石 與天齊功 化消山河 呼雲召龍

萬法立滅 分景億通 飛步躡虛 流煥四街

藏身魁席 覆衣天光 長靈天地 享慶洋洋

請如所願 受福永終

仰咽三十六過止如此皆一過行之不枉反也

空常之道畢於此矣

太上步空常之道每至其日清齋燒香別

室獨處不交人事審而行之安心定意存

想神真星點羅列並使歷然徐而步綱五

年之中帝尊皇妃無不下降元皇五星無

不垂映洞明形內變化萬神也行之七年

分形萬景隱迹九空十四年飛行太虛上

昇斗晨若羈通世務運會得經未獲修步

但每至其日燒香執經北向朝星存念神

真乞可神仙如此便獲萬災辟却凶患神

朗體清還年反類如此十四年延壽七百

年穰慢漏泄殃滅一門罰及七租罪福懋對其効甚明

從此八七步登金星上一祝


從金星十二步登土星上又一祝

從土星三步登火星上又一祝

從火星九步登木星上又一祝

從木星五步登水星上又一祝

如此五星畢通一祝又從金星起如初往及十五過但步不祝其道畢



步五星畢又從外八七步登地戶九常以次行五常畢

還金星上一祝十二步登上常以次行五常畢

還土星上一祝三步登空常以次行五常畢

還火星上一祝九步登九常以次行五常畢

還木星上一祝五步登陰常以次行五常畢  
還水星上一祝

天樞星元斗宮中魁精玄上眞皇夫人姓明通諱覽育眞名天樞頭作飛雲華積之髻衣紫黃青三色之帔

天璇星玄魁宮中靈精上玄皇夫人姓玄鏡諱贊勃光眞名天璇頭作飛雲華積之髻衣飛錦羅裙鳳文錦帔

天璣星上精宮中靈妃元皇夫人姓常明諱化雲眞名天璣頭建展嬰寶冠衣飛雲明

光錦襦

天權星網極宮中上靈神妃華皇夫人姓開生諱運明眞名天權頭建七稱玉冠衣緋羅鳳文之襦

玉衡星靈閣宮中壯上金蓋中皇夫人姓元方諱神武眞名玉衡頭建紫晨飛華之冠

取九色之襦

閭陽星北極宮中安上晨華元皇夫人姓玉元諱根華眞名閭陽頭建玉晨連賢冠衣飛青羽襦

璿光星運天宮中玉華靈皇夫人姓度元諱終會眞名璿光頭建飛華類雲之髻衣七色夜光雲錦之裙九色錦帔

洞明星空眞宮中帝大明常皇夫人姓幽昇諱元韻眞名洞明頭作飛雲華類之髻衣

飛羅之襦

隱元星常寶宮中空玄變靈上皇夫人姓冥通諱萬光眞名隱元頭建飛天七稱玉冠衣青文錦襦

右九星之魂精皇夫人之至名變化之威

神知者不死修之飛仙也記而勉之

輔星帝席宮紫氣玉樓帝尊九晨君姓精常諱無靈字玄解子眞名輔星頭建飛精玉冠衣九色鳳衣

弼星上尊宮玉樓紫館帝尊元晨君姓幽空諱空無先字隱元覺眞名弼星頭建飛天玉冠衣天龍衣

此二星則天地魂魄之威神輔星曰常主天弼星曰空主地皆迴天宿轉五嶽變化億萬知者延年無極修之立致藏隱二十五

點常則以此二神之支輔靈專之八號也  
陽明星太上宮青城玉樓九晨君姓上雲諱  
法覺容字董洞陽真名天<sub>三</sub>頭建九晨玉  
冠衣青飛裳

陰精星中元宮五色玉樓北上晨君姓育覽

諱玄上兌字昌陽文真名天<sub>三</sub>頭建玄精

玉冠衣玄羽飛裳

真人星真元宮黃臺玉樓主仙華晨君姓歸

珮諱妙音光字通慶元真名<sub>三</sub>頭建飛

晨寶冠衣青羽飛裳

玄冥星細幽宮朱臺玉樓玄飛蓋晨君姓實

樞諱定官覺字法開慶真名<sub>三</sub>頭建二

晨寶冠衣丹錦飛裳

丹元星網神官素臺玉樓金剛冠七晨君姓

上開諱寔通光字朱煥元真名<sub>三</sub>頭建

七寶飛天冠衣白錦飛裳

北極星紀明官玄臺玉樓北晨君姓明

靈諱長明化字淵洞源真名<sub>三</sub>頭建飛

精華冠衣紫錦飛裳

天闕星開會官九層玉樓總靈九元北蓋晨

君姓玄樞諱轉天光字會天終真名<sub>三</sub>  
頭建九元寶冠衣九色錦裳

右七星皆九精帝晨九天之威神治七星  
之宮館迴轉天光召促劫運變化萬物混

合天地知其內名延壽七十年修行十四

年白日登晨也

太上宮中帝君變隱道元內妃姓延明諱太

一法坦字幸正扶真名<sub>三</sub>衣黃錦帷丹

青飛裙類雲髻

中元宮中帝君保胎化形肉嬪姓開闢諱太

一三窺字羅朱嬰真名<sub>三</sub>衣青錦帷綠

羽飛裙類雲髻

真元宮中帝君六道七隱上元母姓深濛諱

太一靈夷字冲雙兆真名<sub>三</sub>衣青錦帷

縹羽華裙類雲髻

細幽宮中帝君隱景藏光中元內妃姓開耀

諱太一七烈字橫單碧真名<sub>三</sub>衣紫錦

帷黃華羽裙類雲髻

網神宮中帝君變體易景斗中大女性玄路

諱太一鬱書字晴立蘭真名<sub>三</sub>衣朱錦

帷紫青飛裙類雲髻

紀明宮中帝君隱跡散乘斗中女性紫廉

諱太一氣精字抱定陵真名<sub>三</sub>衣朱錦

帷青縹飛裙類雲髻

關會宮中帝君分景萬形斗中少女姓翁重

諱太一郁墨字天凡淑真名<sub>三</sub>衣丹錦

帷青華羽裙類雲髻

帝席宮中帝君化日月水火斗中高皇左夫

人姓常明諱太一石啓珠字落茂華真名

<sub>三</sub>衣紫錦帷縹羽丹裙類雲髻

上尊宮中帝君化金石山河斗中高皇右夫

人姓空黃諱太一愛條字育玄真名<sub>三</sub>

衣綠錦帷翠羽華裙類雲髻

右帝君九晨斗宮中隱妃九陰之大神知

之者則九妃下降攜兆上昇斗宮之中位

為玉清真人七年能分景散形變化萬物

混合幽冥飛行太虛上昇玉清

東方歲星陽元宮中真皇帝君姓碧空諱澄

彌字清凝真名<sub>三</sub>頭建青精玉冠衣青

羽飛衣

南方熒惑星洞陽宮中真皇君姓煥空諱華  
瓶字玄羅真名天頭建朱精玉冠赤羽  
羽飛衣

西方太白星素明宮中真皇君姓浩空諱寧  
凌字振尋真名天頭建金精玉冠赤衣白  
羽飛衣

北方辰星玄斗宮中真皇君姓陰空諱玄華  
字龍熾真名天頭建玄精玉冠赤衣白  
羽飛衣

中央鎮星上樞宮中真皇君姓常空諱玄瑤  
字飛賢真名天頭建黃精玉冠赤衣白  
羽飛衣

右五星宮中五真皇君隱名太上藏之紫  
房九靈上宮不授始學之人得者皆宿有  
玄圖刻簡來生九萬劫之前已逆注真名  
應得其文也尅為後聖之臣玉清真人也  
東方陽元宮中有真皇帝君皇夫人姓開常  
諱寶容字飛雲真名天衣青錦被綠羽  
飛裙縹雲髻  
南方洞陽宮中有真皇帝君皇夫人姓陽常

諱維停字散融真名天衣丹錦被丹羽  
飛裙縹雲髻

西方素明宮中有真皇帝君皇夫人姓明常  
諱颯天字靈恩真名天衣素錦被紫羽  
飛裙縹雲髻

北方玄斗宮中有真皇帝君皇夫人姓繡常  
諱摩咄字精摩真名天衣玄錦被翠羽  
飛裙縹雲髻

中央上樞宮中有真皇帝君皇夫人姓康常  
諱藏暝字耽廷真名天衣黃錦被黃華  
飛裙縹雲髻

右五星夫人內陰隱名太上藏之玄斗紫  
蓋宮中此五夫人皆迴天轉地盈縮三光  
變化山河改易五行移動萬物隱藏幽冥  
有知其道皆不復經履地戶魂過太山也  
尅為玉清之真依科萬劫一出  
修九晨五星之道當以八節及本命之日夜  
半入室北向叩齒九通閉眼思九星光明煥  
照北方又存五星洞明五方垂光洞映已身  
覺身在赤光之內內外冥然良久又思九星

五星帝君及皇君夫人九星內妃姓諱字衣  
服各在其星宮並使分明須臾衆神歆然合  
變為一小兒如始生之狀名曰無常童子字  
曰變化神王手執九星五星嬰絡一身帶日  
銜月童子以日月星光以映薰兆身身在赤  
光之內表裏洞徹則為混合萬變之道仍仰  
咽氣九過而祝曰

周天大神 號曰帝皇 迴轉九道 精煥八方  
洞天流曜 發芒散光 隱淪絕冥 迴合紫房  
改化萬形 結成靈童 流降內外 玉真四衛

左命大鈴 右激雷光 雲霧奮動 華文驚揚  
太一神化 錦被華裳 銜日戴月 身佩天章  
飛坦五長 促轉斗綱 適心縱已 存意所適  
上天入冥 變化百方 保養我身 天地齊功  
身生羽服 飛昇帝官乎

仰咽氣九過止  
洞思九真五晨之道隱淪八冥事極於此矣  
金星五點第一點姓地常諱覽育字通物真  
名地九元  
第二點姓育常諱煥通字幽元真名入玉道

名地九元  
第二點姓育常諱煥通字幽元真名入玉道

第三點姓卯常諱金上字浩淳真名代六形  
 第四點姓流常諱谷清字述真名神三關  
 第五點姓行常諱浩逃字去斗真名厥真精  
 右西方太白星之五常並建素梁寶冠衣  
 素錦飛衣手執金符玉節主七門變化  
 土星第一點姓上常諱黃光字元胤真名逃  
 星元  
 第二點姓天常諱寒電字卓慶真名入本精  
 第三點姓名常諱空眺字霞玄真名變水火  
 第四點姓三常諱膝是字靈變真名金上生  
 第五點姓辰常諱內溢字益微真名黑木谷  
 右中央鎮星五常之隱名並建黃梁寶冠  
 衣黃錦飛衣手執黃麾命魔之章主十二  
 門變化  
 火星第一點姓空常諱常陽字元無真名重  
 通冥  
 第二點姓阿常諱演精字七轉真名七神令  
 第三點姓元常諱南皓字精極真名八該元  
 第四點姓古常諱洞主字微生真名變三種  
 第五點姓已常諱季行字後化真名逃形逃

右南方熒惑星五常並建朱梁寶冠衣朱  
 錦飛衣手執赤神召靈之章主三門變化  
 木星第一點姓九常諱青芒字上陽真名隱  
 真身  
 第二點姓世常諱蒼元字長命真名通九道  
 第三點姓明常諱碧淵字洞生真名化青光  
 第四點姓五常諱錄音字玉陽真名演靈術  
 第五點姓法常諱錄臺字明峻真名萬真合  
 右東方歲星五常並建青梁寶冠衣青錦  
 飛衣手執青帝制魔之章主九門變化  
 水星第一點姓陰常諱玄通字子元真名北  
 上元  
 第二點姓黃常諱曰空字久冥真名劫天夷  
 第三點姓定常諱隱陽字勃光真名輪天劫  
 第四點姓飛常諱上元字藏光真名定萬神  
 第五點姓六常諱終變字分圖真名八黑關  
 右北方辰星五常並建玄梁寶冠衣玄錦  
 飛衣手執北宮攝殺之麾主五門變化  
 修行空常變化之道常以八節及本命之日  
 正中入室南向叩齒十二通閉目思空常二

神及二十五點常之隱名衣服各在其方分  
 明羅列在星宮之中光明流煥玄狀兆身良  
 久忽化為鳳凰玄龜二獸從天中來下鳳凰  
 乘赤氣之光下兆頭上玄龜乘白氣之光下  
 兆兩脚下鳳凰從兆泥九中入玄龜從兆命  
 門下入赤白二氣交絡兆一身覺已形化成  
 鳳凰立玄龜之上在赤白二氣之中便叩齒  
 二十五通咽氣二十五過而仰祝曰  
 天精地靈 號曰空常 北入五氣 南制三陽  
 水生流火 七氣折傷 水灌九震 中元不行  
 土王養金 木氣伏藏 金符命靈 太帝扶迎  
 六戊地已 隱影冥鄉 太一護肺 金鎮腎勝  
 上元輔心 鍊仙肝官 內解外榮 玉真四充  
 變化萬景 混合二光 靈鳳玄龜 神獸來迎  
 洞虛入微 形魂同翔 千變萬化 適意所行  
 東南西北 莫不扶持 長保天地 享福無央  
 得與明星 同遊上京  
 引氣二咽止  
 此空常隱淪之道玄微理妙事極於此所謂  
 變化萬方身生水火迴合天地適意所求者



矣子得之者位加仙公北辰書名南宮記籍  
 五星下降萬神侍衛福德自然無求傍力修  
 之九年立致飛行上步天宮遊宴玉清學無  
 此法便絕望於遐思無損神於寢夕矣上天  
 禁者輕泄漏慢罪及九祖父母己身卒亡長  
 閉鬼官

龍飛九道尺素隱訣

太上大道君以上皇元年二月一日甲子於  
 無量天告盟傳度飛行羽經空常變化隱文  
 以付北極真公時九天上帝高仙大聖並臨  
 盟場五帝東帝萬靈侍軒日月吐暉東星列  
 精七元開闢黃道不行天地停機三界肅清  
 霹靂隨騰紫雲四塞時和日慶八景敷陳道  
 君裂帛華晨之下授訣金口之中發言九天  
 遙唱命誥上帝稱欣天眞稽首魔王東形保  
 舉玄虛位登玉清命五老監試四司輔真左  
 右侍仙分盟各靈依俯仰之格北向日  
 寒非登場 上命九靈 運度推移 日月不停  
 是時皆晨 赤心解形 銜刀南宮 嚙丹寒庭  
 金華銀鴈 禮獻上清 裂素分經 告盟于天

諸如四極 萬劫一傳 有泄我言 禍罰七玄  
 有愆我盟 芳濤爾形 生死謝責 長閉幽冥  
 於是裂素度經口授秘言

天真下降五帝衛靈九晨給以金晨玉畫九  
 百人九皇給以玉華玉女七百人五皇又給  
 五帝玉女各五百人五老命駕四司仗幢紫  
 雲飛軒十二瓊輪前導鳳歌後從天鈞六師  
 啓路九龍翼轅以迎於真公上登玉清北辰  
 上宮遊宴七元迴旋五宿歷步天關位登總  
 仙治於北極廣靈之官至開皇上年以文付  
 東華青童大君依格萬劫一傳龍飛尺素之  
 道出於九天上帝以載天地九晨五星空常  
 之名高上實秘靈音故為盟文自非前生九  
 萬劫逆注玄簡錄字上清應為真人者不得  
 時其篇自參其隱音也得見此文生死成仙  
 能修其道則神光流映帝皇下降七年隱淪  
 變化百方出入幽冥浮景九空十四年白日  
 登晨飛昇玉清有宗大經但朝禮神真則致  
 長生延壽無窮千禍不干萬凶不當兵災珍  
 息觸向皆成出入則致九皇垂蔭項映圓光

五帝管衛所向司迎勉得奉侍聖君於上清  
 宮此道與元始俱生九元虛皇以傳太上天  
 道君大道君以傳後聖金闕帝君及太帝君  
 太微天帝君北極真公使付東華青童大君  
 依格萬劫一傳於後學得道之人傳度之法

受者依科齋信絳紋繒九十尺五色紋繒各  
 五十尺詣有經之師對齋百日或七十日或  
 七日於玄嶽立壇高寂之地書文北向分盟  
 度訣以金羊五兩告五星銀鴈九兩告九晨  
 二物禮天受經奉師効心子時露於壇場之  
 上以絳紋之中威羊著東白紋之中威鴈著  
 西告誓九天分盟各半口度秘名臨度之時  
 亦依上祝之法可謂寶道貴真誓不泄漏之  
 盟若無盟輕傳師及弟子同考誠身七祖充  
 責萬劫不原上天之禁宜各審詳登盟之時  
 弟子執羊鴈北向九拜次五方各一拜西起  
 竟南還西伏東向置羊鴈於師左右師於中  
 央北向叩齒九道稱恭嶽真人曰吾敢以  
 良時上吉三合喜辰謹登皇壇披形赤心清  
 齋軟丹列盟于天願高上垂映顧盼賤臣北

帝所舉嶽先生。先身垂福慶深。來生輪轉流祚九天。不絕宿名玄簡。運稟今日。得目披洞章口詠。帝一會。羨神仙仰希靈。皇令輒於華天之中。授度羽章飛空之訣。上告萬帝。至極元皇高仙大聖無量。道君願垂迴映。

曲監盟靈以玉清。上官真仙之氣輔侍。身。上告五帝五嶽萬靈。河海大神共監盟文。請如所奏。依格以傳。



尺素訣左半

當以白素二尺書此文。令一半在一尺上。兩半合中央符受者。以紫筆書諱。米筆書文。及符師度諱。請玉童玉女侍衛受者。身卑於中。史符梨分各半。佩身男受取左。女受取右。以丹錦為囊。盛文當心。每不可冒生死之殘。三犯天宿。奔潰五帝。號泣魂精。蕩散亡神。失魄不移。年而喪身。九天上。禁慎之。則天靈玄映。神真下降。身生水。火萬化。自從也。

太上白羽黑翮靈飛玉符

元始九天父母太真丈人。同宴景龍之輿。從桑林千真萬騎。飛仙巨虬。御輪流電。迅烟縱體。通運口歌。靈篇道遠。玄丘之洞。解懸清波。之隅。遊盤紫虛之館。息駕無歲之端。是時天元。煥明五晨。迴光三素。流雲紫烟。吐芳飛香。

繞日馥散太無華。光交煥三燭。合明鑿真上。契咀嚼日根。餐玄注虛。披朗金章。洞嘯九微。靈暢瓊軒。妙思感於太寂。內念啓於自然。以上皇元年三月三日。

元始啓旦。忽致玄靈。委駕白鷺之車。黑翻之鳳。口銜素章。飛行羽經。登空步虛。真訣玉精。飛仙導烟。羣神衛靈。賡九霄之上。煥赫玉虛之庭。來降於太真。玄丘傳授寶經。是日太真丈人方退齋。上清時太帝君紫微三素元君天帝君太微天帝君高上玉皇之寶威同降坐壇。百和之香。置五色神官。浮號玉位列于紫宮。衆真禮經。旋行三周。三素元君起立。西向發玄朗之音。誦慶真羽章。以讚神經。其辭曰。

鶴沫太虛館 靈風散奇香 蕭蕭玄素上  
微塵莫太陽 素鸞迅飛鳳 口銜神羽章  
翻翻振九霄 悲鳴煥玄梁 妙訣乘空發  
清治道未央 羣真並稱慶 稽首禮玉皇  
誦畢太帝君又起立北向誦曰  
玄鳳迅雲翻 白鷺欣躊躇 飛香和芳花


流星耀雲衢 巨虬控長轡 飛仙互相扶  
 萬真慶嘉吉 欣鳳虛中遊 元始本無跡  
 玄感自相求 振羽不待駕 飄飄乘烟浮  
 寶章綜玄綱 玉體御靈符 稱慶禮福庭  
 旋香各三周

誦畢天帝君起立東向又誦曰


素羽斑玄翻 衆海落運迴 流香溢十天  
 芳芝鬱太微 靈章啓幽機 羽經朗玄輝  
 至道本無曠 持真景白飛

於是誦畢太真文人身建法服冠極天無量  
 三寶玉冠衣無縫九色飛雲耀光羽章左佩  
 流鈴右帶七元正南向而伏太微天帝君起  
 命羽仙侍即擎執金紫承經北向長立以授  
 於太真衆仙咸稱善太真長立授經面發金  
 光五體即生自然靈飛玉符登攜衆真共登  
 白鷲之車駕黑翮之鳳以宴常陽東之豪林  
 碧水之境扶桑之墟九源之口西遊玄羽素  
 野之域濛汜之濱南造朱陵極炎之精南夏  
 之邑北到胡陰洞玄之館寒水之鄉中盤十  
 絕黃氣陽精太玄玉京金臺玉室丹瓊之宮

遊朗十天八域洞清總頌億真無天不係無  
 幽不關無氣不統無仙不攝普御羣神自天  
 以下莫不範德於太真仰宗於羽經也於是  
 帝君各浮玄宮經劫七千傳於太上大道君  
 焉




上靈飛玉符玄仙羽精自然之章佩之七年  
 乘空飛行上登七元修羽經飛步之道無此  
 符則不得乘虛昇玄也受者青錦九十尺盟  
 天登修之日書左手掌心即能握碧霞而飛  
 行書青繒九寸佩之左肘六甲十二神靈飛  
 玉女十二人侍左




下靈飛玉符元始羽精玄玉之章佩之七年

乘空飛行上登五星行飛步昇玄之道無此  
 符則不得乘空而行也受者素錦六十尺盟  
 天登修之日書右手掌心則能握素霞而飛  
 行書白繒九寸佩之右肘六甲十二神靈飛  
 玉女十二人侍右




左靈飛玉符玄氣始生之精素羽之章佩之  
 九年乘空飛行上登五星行飛步昇玄之道  
 無此符則不得躡雲玄昇也受者丹錦八十  
 尺盟天登修之日書左足蹠心即能躡空飛  
 行書絳繒九寸佩之左肘六甲十二神靈飛  
 玉女十二人侍前



右靈飛玉符元氣之精昇玄羽章佩之九年

得乘飛雲行步玉清修飛步之道無此符不得躡於七元而昇虛也受者玄錦五十二盟天登修之日書右足蹠心即能步玄飛行書皂繒九寸佩之右肘六甲十二神靈飛玉女十二人侍後



太靈飛玉符陽氣黃精飛行羽章佩之九年面生金光坐在立亡飛行太空修飛步之道無此符則不得仰登星魁超昇九玄受者黃錦十二尺盟天登修之日書符於心前即能吐氣成雲乘雲飛行書黃繒九寸佩之左肘六甲十二神靈飛玉女十二人侍後

凡修行存思七星之道入室皆先服五符然後書也書及服符皆東向叩齒十二道仰祝曰  
玄虛雲清 飛行羽經 上映雲宮 下攝千靈 控御六甲 運我身形 飛步天綱 上舉斗精

凝魂固魄 內鎮元益 出空入玄 與氣常生 畢服符并書五心然後行事如此九年魁得乘空御雲飛行太清左右靈飛玉符出於自然之氣傳授於太真以登空步虛乘魁躡網纏絡七元上昇玉清之道以備飛行羽經得

之者神仙佩之者成真人修之者致白鸞之車黑翮之鳳來迎子身上登玉清宮遊靈帝陽太上大道君以傳上元太素君太微天帝君施行道成秘於太上靈都之宮依科三千年一傳不得輕泄宣露天真違盟負誓身沒鬼官殃及九祖充閉幽泉

飛行羽經九真昇元上記

太上大道君昔受飛行羽經九真昇元上記實言紫文綠金之字超虛躡空浮景之道於玉清上官虛皇高上道君於是太上大道君以其要傳上清玉帝君上清玉帝君以傳上元太素君上元太素君又傳太微天帝君太微天帝君施行真秘以傳晨中黃景君晨中黃景君又以傳皇初紫靈君皇初紫靈君以傳中央黃老君中央黃老君以傳九微太真

王保王金闕上相大司命高晨師青童大君梵涌使以此文教授當得為真人者也諸有太素絳錄及金闕刻名皆當得見此文自非其人不得與相遇欲出傳之者必須精應感暢乃付之耳歛盟斷金誓以不宣之信矣

有此經者太素三元君遠玉童二十四人玉女二十四人侍經之左右糾刺泄慢之愆衛護有經者身此中真之道也非仙次第之中也蓋中和之中真也配簡三元名判太素行則紫毛之節駕則八景雲與前導萬靈後從千真九鳳齊鳴天鈞唱法神龍啓導五帝驂軒飛行太空遶安丹霄位為上清真人玉卿之師諸有太上飛行羽經昇元九真者聽三千年六傳遇其人一日頓授之若無可授者三千年限盡以朱書素寫六通封之峨嵋山

金臺之室過此不復傳出不可授而傳者泄真入之道也受而不承科者毀真人之誓也授者經師受者宗馬連經慢範宣露實文者七祖父母詣玄都受風刀之考身為下鬼積幽夜之河也

欲受飛行散金為盟欲知仙志文中為質既知羽書天地同符子聞玄文超厲慶雲此之謂也出要羽洞壹刻石

太素三元君有言曰仙人始知廢底斗星之道而未和真人藏斗星之法夫九斗者天樞

之正蓋玄軸之華寶機紐八維總旋九度迴廢圓方運攝和氣理調陰陽司通無外夫斗

星者明曜為之夜嚼瓊瓊為之動用四象為之流墜玄明煥爛威光赫蔚矣

太無帝君有言曰仙人徒知嚼陰陽吐納二氣而不知斗星者是陰陽之根府二象之

玄綱也乃苦辛翫其波末而不識管始而甚易廢其技條而失手根本矣何不藏九斗

陶治至象耶行之十四年太上迎以瓊輪超虛躡空上登上清列為上真反神嬰顏衆神

待軒

青童大君有言曰仙人徒知瓊璣大威煥耀萬辰觀九道之流赫既圓動以攝神庇之以求大度用之以求神仙而猶不識迴九光以內照藏明斗於泥丸於是魂凝魄鍊合德雲

烟解其道上升上清得其道身為上真是以真人抱大象以匿霞包斗精以藏身我元師是故左駕綠雲右嚙絳晨身并太素超虛躡

空存斗星紫色其綱赤色覺紫色之氣溫溫暖也存星大小在意行之此青童君

昔栢成子谷希子廣成子青真子合存斗星之氣並與身共入運實之中忽見遠內有干

里金池玉山萬頃官臺宇室蓋亦連雲木結實繁華生園碧聲玄黃三素八輪奇異之

觀不可名字四子遨遊經時旋宴極盼而反嘗是之時不覺運實之中央也所謂以大投

小變化無蹤此存星之極感闊狹之標致也乃可毫杪為八極何運實之足妙哉

以月一日三日及五日禺中夜半唯一時也入堂正坐北向接手定氣臨自畢乃存北斗

九星來下入頭泥丸中以柄杓前指魁偃向

上也良久忽見斗魁中有一大神人衣服各字如祝所言極久頭中當小熱溫溫然也此是上元九精真氣來入頭故暖異以告驗報感之休應也方及咽液五十過叩齒九通畢

左手第三指掩兩眉中於是微祝曰太上紫暉 九道之華 華蓋七絡 迴耀高晨 動仰高靈 靜和景雲 陰陽液灌 一氣中分 遊清無外 煥朗東天 令月啓辰 來登泥丸 元精結威 化為大神 名曰奇紐 厥字靈綱

正坐斗中 遊我明堂 鳳羽紫帳 虎錦丹裳 左帶玉佩 右腰金鑰 手把流鈴 頭巾巖光

吐氣灑精 泥丸以康 魂魄凝和 植華柱梁 使我飛仙 超虛躡空 上達上清 策虎命龍

北朝玉帝 瓊琳上官 西謁太素 稽首三元 祝畢又咽液三十過叩齒九通又祝如前畢

起北向再拜西向再拜畢乃不復臨目事訖諸寢靜之室牀上行之亦可也拜亦不下地也夫真人作法所責於安其所安崇妙簡微

不復曲折敗常乘手寢處也要道不煩迴絕倫矣

後施三祝之法皆依佈擬象此行也但祝不同及存星有背向之異耳要言在於密房曲室勿令有見其存思時也所以爾者存思時

玉童玉女將在側而監焉不可帶發臨尸經

穢穢衣被中履一切勿錯越以假借於非類矣何謂非類耶不同志契者是也非我同好不與同席而坐非我同盟弗與同器而食道俗有殊有崇奉六天及事山川魔神者弗居其室弗饗其饌勿著其衣勿冠其中蓋避其尸穢之下氣遏其邪風之往來也此所謂真道之真道矣精妙之精妙也若能為其妙乃得其真道避其穢乃獲其新若將混沌雜糅臭香齋器不擇其神不整其氣滯真同居貪廉共位廁邪風而不蕩心履塵壤而不思起邁者以此尋真為無也夜光不生於糞穿下才不植於標頌此之謂也精感髮髯靈應穢微玉華告驗神光表暉自非爾師勿妄與之言也

斗中大神者蓋九星之精因感變而忽生矣是施行時當心存名字至後祝曰止後祝自後有神又存如初若是泥丸中星神恒存居其中每事効此為象

存斗星來下令極思不覺忽然已在我形中也初存或未來時髮髯但極思念之如已在

形中亦足致感也久久自漸入妙

月七日九日十三日禺中時若夜半時入室正坐接手定氣臨目畢乃存北斗九星來下入心中以柄杓仰向執魁中向外也良久忽然見魁中有一大神衣服名字如祝所言

極久當覺心中溫溫暖真氣來入也乃咽液五十過叩齒九通舉右手第二指以捨心於是乃微呪曰

太上紫真 九氣中靈 色括萬度 瓊璣煥明  
飛霞流曜 暉燭玉清 玄蓋衆晨 陰陽判成  
四和交降 七緯順生 聲月吉辰 來映心庭  
飛光絡景 中元充盈 六府啓關 華液派平  
魂魄制鍊 得真之精 感至觸變 億兆立成  
忽見大神 坐安心房 整氣湖津 百節流通  
琴斗據魁 貯逸百方 其名瓊度 厥字素康  
絳羽華帔 龍帶虎囊 身生寶曜 項負圓光  
首中飛晨 英冠低昂 使我飛仙 超浮太空  
上造紫闕 北朝玉皇 役使萬神 衆靈奉迎  
心上生華 慶雲水昌 鳳嘯玲玲 鸞唳鏘鏘  
祝畢咽液三十過叩齒九通又祝如前祝畢起

南向再拜事畢乃問曰

月十五日十九日二十三日禺中時若夜半時入室正坐接手定氣臨目畢乃存北斗九星來下入臍下三寸下元宮中以斗柄杓堅向心魁中向外極久忽見魁中有一大神衣服名字如祝所言亦當覺臍中溫溫暖真氣來至也乃咽液六十過叩齒九通舉左手第三指以捨鼻下人中於是乃微呪曰

太上紫皇 煥朗中樞 九緯炳燭 元秀太霞  
萬靈仰鎮 千晨植牙 七度用明 九烟芬葩  
制陽表順 執陰以和 真輝啓陣 玄根總羅  
聲月推吉 觀映臍內 紫氣發霄 飛光縱墜  
鍊我魂魄 華津榮蔚 忽見大神 上官靈貴  
名曰祝萌 厥字流鬱 正坐臍中 乘斗九氣  
吐納靈液 平血理胃 黃鳳羽帔 龍衣虎帶  
手啓日根 頭戴綠芙蓉 腰生流火 煥電映無  
使我飛仙 超虛躡浮 上造玉房 攜帶寶虛  
役使萬神 天地同休

祝畢又咽液三十過叩齒九通又祝如前祝畢起向本命再拜事畢開目行下元之道畢

矣舉手有所捨是臨祝之時耳祝畢接手如初以八節日夜半時入室正坐接手定氣閉目內視乃存一身冉冉起上飛昇北斗魁中良久為之如覺我形已在斗中也極合為之當覺體中熱是真氣合德也又存九精三神

名字服色貌如嬰兒之始生也三神與我對坐也我心拜之焉精想髮鬚遺形眇眇將令恍惚也乃咽津八十過叩齒九通舉左手拈心乃微祝曰

太上丹靈 玄光融煥 九璋啓璠 暉氣澄敷

紫晨幽燭 七曜蔚燦 二景奏明 陰陽以判

四度用昌 靈輝迴瀾 八節啓氣 上昇九元

據斗攀綱 奉見三神 問我稽留 何不昇仙

我即稽首 畏以帝前 爾乃赫壯 口銜日權

左破六天 右督鄴山 流鈴上煥 萬魔碎分

遂知我魄 強我三魂 藏斗內曜 九精在心

紫霞洞映 飛光萬尋 和魂制魄 六胎調鍊

精感變躡 玉妃忽見 坐當我心 俯視仰盼

其名審華 厥字璿霄 吐納二氣 和平百關

身服鍊鼓 鳳光爾結 腰帶虎錄 龍章玉文

手執月華 頭巾紫冠 騰躍太霄 駕雲靈雲  
書名太素 我得飛仙 超浮空洞 乘瓊太元  
上道未芳 役使萬神 紀均二度 還反嬰顏  
北帝激電 南帝大陣 卷帝啓燭 赫赫靈雲  
西流雙杵 鳴音唱鈞 四舉超躍 薦我玉真

遂乘八景 邀宴九烟  
祝畢又咽液三十過叩齒九道復祝如前祝畢起向西北再拜畢開目行八節之真畢矣此道是超空之秘妙九真之奇法三段行真月用九日故謂之九真昇玄文乃太真禁書

內實為真之要訣也若得其人當傳之時受者當清齋百日或三十日或十日任意遵其所適也又當先告齋一日以洗素心後者對齋如受者也付與之日皆當先歛血靈壇剪髮立盟為不泄之信誓也後聖以歛血

犯生氣之傷剪髮違齋毀之禮謹以黃金三兩代別血之信青蛟之蠟三十二尺當代割髮之約師受誓物不得收為私利藉以濫用皆當施山栖高隱單貧道士若起騰步虛或投之於山室散之於靈巖所以爾者明天信

貴重誓深測道精賤實欲也不奉科約生死七祖父母受玄都風刀之考身為下鬼傳授年限出授節度如上法當謹按之盟物皆精上也啓心秀整坦誠彈允廢有不盡投者則師宗也受者則資也聞道則仰範標模

求生則存近生地不違所奉闕略違慢者三世祖獲刑於火官身生棄疾軒轅師荆山丈人丈人但解鍊石之道無他妙豈賢於軒轅哉軒轅曾問其鍊石之道故遂師焉荆山丈人是姬幽子也今在委羽山能鍊石成水煎

水成玉粉玉為散以石水服之能知其道與天同存然不能飛行空虛手把晨霞也鍊石雖妙固小術耳  
右太上飛行羽經九真昇玄上記其道畢矣其下卷是太上九真中經雖有上下序

然別法異用不相干也中央黃老君分以傳太虛真人與八道秘書相次九真中經在人間施行亦有口訣本文以秘不書今請言

第一真法當以五月五日十五日二十五日

二十七日二十九日一月之中五過行之皆以平旦

第二真法當以八月八日十一日十四日十九日二十三日二十七日一月之中六過行之皆以辰時

第三真法當以六月六日七日十七日十八日二十五日二十六日一月之中六過行之當以巳時

第四真法當以正月二日八日十四日十八日十九日二十八日一月之中六過行之皆以午時

第五真法當以三月三日八日十三日二十日二十六日一月之中五過行之皆以未時

第六真法當以七月七日十一日十四日十八日二十三日二十五日二十八日一月之中七過行之皆以申時

第七真法當以十一月二日六日九日十三日十六日十九日二十三日二十七日一月之中八過行之皆以酉時

第八真法當以二月二日七日九日十五日

十八日十九日二十七日一月之中七過行之皆以戌或亥時

第九真法當以十二月三日九日十七日十九日二十六日二十九日一月之中六過行之皆以子時

右行九真中經口訣畢矣

此月此日皆是合真迴順生氣攝精之時。可以存思易致玄感。若高接絕頂潛攝靈巖。斷人事於內外。割粒食以清腸。接手正心念。平舍晨昏。當日日施行。自如本經今之所書。蓋人間多事。不得日日清閑以行之也。行之十四年。亦足超浮虛無。能生死出入。火。上登三清。五藏生華。與天相傾。其昇玄羽。經上卷也。行之三過一月九日。蓋亦人間未及大靜之時。若長齋久靜。抱景獨往。仰秀空洞。心單事外者。皆宜此日行之。以次相續一月。九行施於人中。耳八節。思斗中。又存思。忽見斗中玉妃。在我前坐。玉妃吐紫烟入我口中。良久其衣服如八節所祝。此女子是九精之陰靈玉清之上妃也。此音童若口訣。

上清五常變通萬化鬱冥經